

# **Landesbibliothek Oldenburg**

**Digitalisierung von Drucken**

## **Nicolai Alardi, Pastoris Steinbeccensis, Bibliotheca Harmonico-Biblica**

**Alard, Nicolaus**

**Hamburgi, MDCCXXV**

**VD18 10490701**

Caput I. De Anonymia.

**urn:nbn:de:gbv:45:1-17504**



& Apostolicis Evangelicas concinentes. Unum enim esse novit perfectum & aptum instrumentum Dei Scripturam universam, quæ unam absolvit ex diversis sonis, iis, qui discere volunt, salutarem vocem, vim omnem mali spiritus sedantem & cohibentem, quemadmodum compescebat Davidis Musica Spiritum malum, qui invaserat Saul, & ipsum suffocabat.,,

---

## Sectio II.

De

### SCRIPTORIBUS HARMONICIS PERPETUIS.

CAPUT I.

*De Anonymis.*

**H**istoria Harmonico-Biblica absoluta, bono cum Deo progredimur ad Scriptores, qui ex professo in hac palæstra defudarunt. Hos ipsos diversi generis esse, res ipsa loquitur, quos proinde boni ordinis causa in certas classes dispescendos esse puto. Nihil nobis rei est cum diversarum religionum commentatoribus, nisi forte præ reliquis symbolas suas harmonicas contulerint; neque cum scriptoribus, quos vocant, practicis seu homileticis, ceterisque Harmoniæ



sparsim studentibus; sed eos duntaxat pro viribus enumerabimus, qui data opera per integrum codicem sacrum omnes nervos, in hoc studiorum genere intenderunt. Prodeant ergo primum scripta ἀδέσποτα, quotquot nobis innotuerunt:

Libri tres τῶν ἀντικειμένων, id est contrariorum in speciem veteris Testamenti locorum, incerto autore, editi ab *Henrico Sachso*, qui *Kænigio* Bibl. V. & N. perperam *Guilhelmus* vocatur. 8. Bologn. 1532. Colon. 1540. Venet. 1582. 12. Paris. 1556. *Le Long*. Bibl. S.

Conciliatio Scripturæ, seu de locis Scripturæ, quæ inter se pugnare videntur. 8. Basil. 1563. 4. Amstel. 1633. Germanice prodiit sub titulo: Conciliationes, das ist, Vergleichung etlicher Sprüche der H. Schrift, welche scheinen, als ob sie wieder einander seyn. 8. Lips. 1602. *Lipen*. B. T. tit. Concil. SS. & Harm. Bibl.

Concordantia præcipuarum Historiarum sacrae Scripturæ. Anglice 8. Lond. 1563. *Le Long* B. S.

Harmonia Bibliorum veteris & novi Testamenti, sive conciliatio locorum sacrae Scripturæ, quæ inter se pugnare videntur, solutis trecentis contradictionibus. Anglice in fol. Lond. 1662. *Le Long*. B. S.

J. T. Reconciler of the Bible, viz. of places seemingly difficult. 8. London 1656. *Lipen*. B. T. tit. Concil. SS.

De Concordia apparenter discordantium auctoritatum Scripturæ S. Incip. Reverendo in Christi

fti



sti visceribus &c. Frater G. humilis servus. Item Concordia testimoniorum de epistolis S. Pauli à B. Gregorio Pont. MSt. Vid. *Eryci Puteani* auspicia Bibl. Lovan. p. 125.

## CAPUT II.

*De Judæis.*

Judæis a plurimis retro seculis concredita esse Oracula Dei, Paulus Rom. III. 1. testatur, quæ quoad vetus Testamentum ab Antilogiarum labe haud infelici successu nonnulli purgavere. *Ebraei enim*, inquit B. D. Aug. Pfeifferus Hermen. S. p. m. 190. f. *ἐναντιοφαινόμενα* & alia dubia textualia ex longo rerum usu nonnunquam satis feliciter expediunt. Huc spectat monitum *Christ. Cartwrighti* in Epist. Dedic. libri annotat. in Exodum ad Jac. Ufferium Armachanum: „ Ut in omne genus Scripto- rum, ita & in Rabbinis delectus est habendus: alia namque Talmudicorum, alia commentario- rum est ratio - - - quin & commentarii, quos vocant *Peruchim*, ab iis, qui *Midraschim* nuncupantur, longe sunt diversi - - - Nam mystici illi commentarii, quos vocant *Midraschim*, ineptiis sæpe inferti sunt; at Expositio- nes, quas appellant *Peruchim*, ab insulsis istius- modi commentis plerumque immunes esse ap- paret. Imo ex Hebræis sunt, qui præter quam quod ex Hebraicarum literarum peritia pluri- ma tradant, quæ vix ac ne vix quidem alibi re- periantur, adeo in sacri textus sensu investigan-